

ЭДЛ- АХУН БОЛН КУЛЬТУРИН ДЕЛГРЛТИН ПРОГРАММ

Одахн Яшкульд района партийн активин хург болв. „1959—1965 джилмүдт СССР-н олн-амтна эдл-ахун делгрлтин контролын тоогын тускар“ КПСС-н XXI хург деер Үр Н. С. Хрущевин кех докладин тезисмүдин тускар партин райкомин сеглэтр Үр Азыдов доклад кев.

Долан джилин эргид мана Хальмг АССР-н, тер дотр Яшкульск района эдл-ахун делгрлт ямаран болхин тускар докладт тодрхагьар келгдв.

Докладар босдж келсн улс района эдл-ахунд баях дуту-дундсин тускар, тедниг цаг тұлал уга кехин тускар келцхäv. Района совхозмудар, нег улү „Кировский“, „Гашунский“ совхозмудар үвлд белдлгьнә көдлмш татугьар кегддж.

— „Кировский“ совхозин зәрм фермсәр кошармуд ода бийнь күцц ясгддж бел кегд-

әд уга, зәрм хөбчир газр герт баяцхәнә, хөбчирин ик зунь хот-хоолар, нег улү гуйр-өдмгәр түрү баянә гидж КПСС-н обкомин ивструктор Үр Кислов келв.

Теду мет йовдл наадк совхозмудин фермсәр, отармудар баяхин тускар активд орлцсн улс келцхäv.

КПСС-н XXI хургт нерәдсн социалистическ дорлдән фермс дунд, хөбчир дунд бргәр делгрдж йовна. Малмудан гају усагьар үвлзүлдж гаргьх, зун хөн болгьнас 110—120 хургь авх, хөн болгьнас дундләд 6-7 килограмм ноос авх даалгьвәрмуд нургьлдж хөбчир авцхасна тускар активд келцхäv.

Долан джилә зуран тускар совхозмудин хөбчирин хургудт, эклц партийн организацар күундвр цааранднь кегддж йовна.

Д. БАДМАЕВ.